



15
156

Bosnia and Herzegovina
Federation of Bosnia and Herzegovina
CANTON SARAJEVO
Ministry of Veteran's Affairs

Broj: 06-04-644-1/26
Sarajevo, 21.07.2026.godine

SKUPŠTINA KANTONA SARAJEVO
-OVDJE-

Predmet: Izjašnjenje na zastupničku inicijativu zastupnice Sebiye Izetbegović, dostavlja se

Zastupnica Sebiya Izetbegović je u skladu sa Poslovníkom Skupštine Kantona Sarajevo Ministarstvu za boračka pitanja Kantona Sarajevo i JU "Memorijalni centar Sarajevo" uputila zastupničku inicijativu, u vezi organizovanja proljetnog čišćenja i uređenja šehidskih mezarja na području Kantona Sarajevo. U inicijativi se navodi da je evidentnoda su pojedini nišani na šehidskim mezarjima oštećeni ili djelimično uništeni usljed vremenskih prilika, proteka vremena i drugih prirodnih faktora, te se s tim u vezi predlaže da nadležne institucije:

1. Organizuju proljetnu akciju čišćenja i uređenja šehidskih mezarja na području Kantona Sarajevo.
2. Izvrše detaljan pregled stanja nišana i prateće infrastrukture na šehidskim mezarjima.
3. Pokrenu program obnove, rekonstrukcije i zamjene oštećenih nišana koji su oštećeni usljed vremenskih prilika i proteka vremena.
4. Izrade plan kontinuiranog održavanja i zaštite šehidskih mezarja, kako bi se dugoročno osiguralo njihovo dostojanstveno stanje.

Na upućenu zastupničku inicijativu dajemo slijedeće

I Z J A Š N J E N J E

Ministarstvo za boračka pitanja Kantona Sarajevo (u daljnjem tekstu: Ministarstvo) vrši upravne i stručne poslove utvrđene Ustavom, zakonom i drugim propisima u oblasti ostvarivanja prava članova porodica šehida, članova porodica poginulih, umrlih i nestalih branioca, ratnih vojnih invalida i članova njihovih porodica, dobitnika ratnih priznanja i odlikovanja i članova porodica poginulih, umrlih i nestalih dobitnika ratnog priznanja i odlikovanja, demobiliziranih branioca, dobrovoljaca, organizatora otpora, veterana, ratnih vojnih zarobljenika i lica koja su kao maloljetna stupila u Oružane snage R BiH, kao lica zaslužnih u odbrambeno-oslobodilačkom ratu sa područja Kantona Sarajevo, kao i vođenje i podržavanje aktivnosti na očuvanju tekovina odbrambeno-oslobodilačkog rata 1992-1995. godine, održavanju manifestacija i drugih sličnih projekata.

Vezano za zastupničku inicijativu, Ministarstvo je po zaprimanju zastupničke inicijative uputilo akt JU „Memorijalni centar Sarajevo“ broj: 06-04-644/26 od 26.03.2026. godine, kao i Urgenciju broj:06-04-644-1/26 od 13.07.2026. godine kojima se od Memorijalnog centra Sarajevo



tarži da poduzme aktivnosti, odnosno postupi po predmetnoj inicijativi i o tome izvjesti ovo Ministarstvo.

Dana 17.07.2026. godine na Protokol Kantona Sarajevo zaprimljena je Obavijest o postupanju i izjašnjenje po zastupničkoj inicijativi broj: 13-P-4-57/26 od 17.07.2026. godine od JU „Memorijalni centar Sarajevo“ koju dostavljamo u prilogu ovog akta.

S poštovanjem,

Dostaviti:

- Predsjedavajućem Skupštine Kantona Sarajevo,
- Zamjenici predsjedavajućeg Skupštine Kantona Sarajevo x3,
- Službi za Skupštinske poslove Kantona Sarajevo,
- Stručnoj službi Vlade Kantona Sarajevo,
- A/a.



MINISTAR
Dr.sc. Omer Osmanović



Federacija Bosna i Hercegovina
KANTON SARAJEVO

PRIMLJENO	17-07-2026
Ob	Ob
644	-144

14453

Broj: 13-P-4-57/26

17.07.2026.

Bosna i Hercegovina

Federacija Bosne i Hercegovine

KANTON SARAJEVO

SKUPŠTINA KANTONA SARAJEVO

MINISTARSTVO ZA BORAČKA PITANJA KS

Reisa Džemaludina Čauševića 1

71 000 Sarajevo

PREDMET: Obavijest o postupanju i izjašnjenje po zastupničkoj inicijativi, dostavlja se

Poštovani,

Postupajući po aktu Skupštine Kantona Sarajevo broj **01-04-644-1/26 od 17.03.2026. godine**, kojim je Memorijalnom centru Sarajevo dostavljena zastupnička inicijativa koja se odnosi na organizovanje proljetnog čišćenja, uređenja i sanacije šehidskih mezarja na području Kantona Sarajevo, obavještavamo Vas o sljedećem:

Održavanje, uređenje i unapređenje šehidskih mezarja i grobalja poginulih boraca predstavlja jednu od osnovnih djelatnosti Memorijalnog centra Sarajevo. Shodno tome, navedene aktivnosti predstavljaju redovne poslove ustanove koji se realizuju kontinuirano, u skladu sa godišnjim programima rada, Finansijskim planom, Planom javnih nabavki i operativnim planovima rada, a ne kroz pojedinačne ili kampanjske aktivnosti. U okviru redovnog rada Memorijalni centar Sarajevo kontinuirano vrši košenje, hortikulturno uređenje i druge poslove održavanja šehidskih mezarja i spomen-obilježja. Istovremeno se kroz redovne obilaskе memorijalnih lokaliteta evidentira stanje šehidskih nišana i prateće memorijalne infrastrukture, potrebe za njihovim održavanjem, sanacijom i rekonstrukcijom, te se evidentiraju i zahtjevi jedinica lokalne samouprave, organizacija porodica šehida, članova porodica šehida i drugih zainteresovanih subjekata. Na osnovu tako prikupljenih podataka utvrđuju se prioriteti za izvođenje radova i planiraju aktivnosti i budžetska sredstva za njihovu realizaciju.

U odnosu na prijedloge sadržane u zastupničkoj inicijativi, obavještavamo Vas kako slijedi:

1. Organizovanje proljetnog čišćenja, uređenja i održavanja šehidskih mezarja

Poslovi čišćenja, košenja, hortikulturnog uređenja i redovnog održavanja šehidskih mezarja i spomen obilježja predstavljaju tekuće i kontinuirane aktivnosti Memorijalnog centra Sarajevo koje se provode tokom cijele godine, u skladu sa utvrđenim planovima rada i prioritetima na terenu.



2. Detaljan pregled stanja nišana i prateće infrastrukture

U okviru redovnih aktivnosti Memorijalnog centra Sarajevo kontinuirano se vrše obilasci šehidskih mezarja i spomen obilježja radi praćenja njihovog stanja i utvrđivanja potreba za održavanjem i sanacijom. U periodu **od oktobra do decembra 2025. godine** izvršen je detaljan pregled stanja šehidskih nišana na području Kantona Sarajevo, na osnovu kojeg su evidentirana oštećenja i utvrđene potrebe za sanacijom. Utvrđeno stanje predstavljalo je osnov za planiranje budžetskih sredstava i navedenih aktivnosti Memorijalnog centra Sarajevo za 2026. godinu.

3. Program obnove, rekonstrukcije i zamjene oštećenih nišana

Na osnovu utvrđenog stanja na terenu, Finansijskim planom i Planom javnih nabavki Memorijalnog centra Sarajevo za 2026. godinu planirana su sredstva za sanaciju oštećenih šehidskih nišana, te je pokrenut postupak javne nabavke za izbor izvođača radova. Realizacija planiranih sanacionih radova izvršit će se nakon okončanja ponovljenog postupka javne nabavke, u skladu sa utvrđenim prioritetima.

4. Izrada plana kontinuiranog održavanja i zaštite šehidskih mezarja

Aktivnosti održavanja, uređenja i zaštite šehidskih mezarja Memorijalni centar Sarajevo planira i realizuje kontinuirano kroz godišnje programe rada, Finansijski plan i Plan javnih nabavki.

S ciljem dodatnog unapređenja i sistemskog uređenja ove oblasti, Memorijalni centar Sarajevo je, u saradnji sa Ministarstvom za boračka pitanja Kantona Sarajevo i predstavnicima Koordinacionog odbora boračkih udruženja Kantona Sarajevo, formirao, u septembru 2025. godine, Radnu grupu za izradu elaborata i prijedloga odluke kojima će se sistemski urediti pitanja održavanja i uređenja šehidskih mezarja i grobalja poginulih boraca na području Kantona Sarajevo, definisati nadležnosti, obim poslova i način njihovog provođenja.

Specifično, Planom javnih nabavki za 2026. godinu planirana je rekonstrukcija šehidskih mezarja i spomen obilježja na Igmanu, koja obuhvata sanaciju betonskih i kamenih staza, stepeništa, platoa, ivičnjaka i drugih pratećih sadržaja.


Memorijalni centar Sarajevo će i u narednom periodu, u okviru svojih nadležnosti, nastaviti kontinuirano provoditi aktivnosti održavanja, uređenja i unapređenja šehidskih mezarja i grobalja



poginulih boraca na području Kantona Sarajevo, s ciljem očuvanja njihovog dostojanstva i trajnog njegovanja kulture sjećanja.

S poštovanjem,

Pripremio:
Pomoćnik direktora Sektora
za izgradnju, uređenje i održavanje
Edin Ćibo



Dostaviti:

- Skupština Kantona Sarajevo
- Ministarstvo za boračka pitanja Kantona Sarajevo
- a/a

